

D' Wörterland-Chind

Oh luegend amal zum Fenschter uus
Dr Wind isch da, er blast um ds Huus.
Endlich! Rüefend d' Wörterland-Chind
Er bringt üs Wörter – chömend, gschwind!

*Und d' Wörter tanzend, tanzend im Wind
Döt hine steht es glücklichs Chind.
Es het drü Wörter in da Händ
Drü Wörter, wo nid jeda kennt.*

Dia erschta Wörter seglend scho
Noch und nöcher – und uf eimal dervo!
D' Chind streckend ihri Netz in d' Luft
D' Stadt het hüt ganz an eigna Duft.

*Und d' Wörter tanzend, tanzend im Wind
Döt hine steht es glücklichs Chind.
Es het drü Wörter in da Händ
Drü Wörter, wo nid jeda kennt.*

Es isch nid eifach, es Wort iizfah
Sölili springa? Oder stah?
Und trotzdem – händler gseh?
Es Chind *ohni* (es) Wort hets nienemeh!

*Und d Wörter tanzend, tanzend im Wind
Döt hine sitzt es glücklichs Chind.
Es het drü Wörter in da Händ
Drü Wörter, wo nid jeda kennt.*

N. Vital



Bild: <http://www.diewoerterfabrik.de/>